

Der.IX. Titel des andern Tractats

noch varend güt/abzehandlen hinzelyhen/verkouffen/verschencken/ver
nischen/oder einichermas Contracts wyßzeverendern/on wissen vnd wil
len iter vögt/wie wir dan dauon wyter meldung thünd/im ersten Titel
des dritte Tractats nachvolgende/was ein vogelbar person darüber ver
endert/sol der Contract genzlich zu vntreffren sin.

Was zwentzig iarig

jungling verendern mögen.

¶ Weren aber iunglüt/die ir schicklicheit halb mit beuögtet weren/alle
dicwil sy nit zwey vnd zwentzig iar erlangt haben/so mögen sy ligende gü
ter zins vnd gült nit verendern/mit dheimem Contract/mögen ouch ire li
gende güter mit zinsen nit beschwoeren/on vnser erkantnuß/das sol ouch
gehalten werde/so sy ein mercklich huß ere/als dan ist silbergeschir/bett
gewant ꝛ. verendern wölen/was darüber gehandelt würdt/so ist der
Contract vntreffrig.

Kind vnder vatters gewalt

mögen nicht verendern.

¶ Wir wöllen ouch alle dicwil die kind/es syent knaben oder töchtern/
vnder irts vatters gewalt/vnd nit in eigener hußhaltung/für vnd rauch
sind/So haben sy nit gewalt noch macht/ichts zeverthün mit spil/lutet
oder andern vnvertigen sache/Sy mögē ouch dheim gab noch schencke
thünd/vnd genzlich nicht verendern/vnd was sy verspilē/verzeten/ver
thünd/hingeben/oder verendern/on des vatters wissen vnd willen/das
sol dem vatter on entgeltnuß widerkert werden/vnd statt dannoch der
iben/der inen solich güt abgenommen hat/in vnser treffenlichen straff.

Kinden vnder des vatters

gewalt/sol nichts gelihen noch zukouffen
geben werden.

¶ Dazü haben wir sonderlich geordnet vnd wöllen/das dheim burges
oder insäß denselben iungē so lang sy vnder irts vatters gewalt sind/wie
obstat/dheim gelt/win/korn oder anders derglichen/vff widerzalen ly
hen/inen ouch nichts das varenden hab wer/als Tüch/win/korn/Rosß/
barnasch/oder anders vff borg/zukouffen geben sollē/wie das darüber
geschehe/so ist inen der vatter nichts zezalē schuldig/Er hab dan darin